

Rhybudd o Gynigion a Gwelliannau i'w Trafod ar 12 Mawrth 2002

Cynigion a gyflwynwyd ar 5 Mawrth 2002

NDM982 Carwyn Jones (Pen-y-bont ar Ogwr);

Cynnig bod y Cynulliad Cenedlaethol, yn gweithredu o dan Reol Sefydlog 22.25:

1. Yn cymeradwyo:

Gorchymyn Gwerth Gorau Llywodraeth Leol (Hepgor Ystyriaethau Anfasnachol) (Cymru) 2002 a osodwyd yn y Swyddfa Gyflwyno ar 12 Chwefror 2002; ac

2. Yn ystyried:

adroddiad y Pwyllgor Deddfau nad yw wedi nodi unrhyw faterion sydd yn destun pryder yn y gorchymyn drafft, Gorchymyn Gwerth Gorau Llywodraeth Leol (Hepgor Ystyriaethau Anfasnachol) (Cymru) 2002 a osodwyd yn y Swyddfa Gyflwyno ar 27 Chwefror 2002

3. Yn cymeradwyo:

Rheoliadau Strwythurau Pysgodfeydd a Dyframaethu (Grantiau) (Cymru) 2002 a osodwyd yn y Swyddfa Gyflwyno ar 12 Chwefror 2002; a

4. Yn ystyried:

a) adroddiad y Pwyllgor Deddfau nad yw wedi nodi unrhyw faterion sy'n destun pryder yn fersiwn drafft Rheoliadau Strwythurau Pysgodfeydd a Dyframaethu (Grantiau) (Cymru) 2002 a osodwyd yn y Swyddfa Gyflwyno ar 27 Chwefror 2002

b) Y memorandwm cywiriadau a osodwyd yn y Swyddfa Gyflwyno ar 5 Mawrth 2002

5. Yn cymeradwyo:

Rheoliadau Diwygio Gorchymyn Pysgota Môr (Gorfodi Mesurau Cymunedol ar gyfer monitro â Lloeren) (Cymru) 2002 a osodwyd yn y Swyddfa Gyflwyno ar 12 Chwefror 2002; a

6. Yn ystyried:

adroddiad y Pwyllgor Deddfau nad yw wedi nodi unrhyw faterion sydd yn destun pryder yn y gorchymyn drafft Rheoliadau Diwygio Gorchymyn Pysgota Môr (Gorfodi Mesurau Cymunedol ar gyfer Monitro â Lloeren) (Cymru) 2002 a osodwyd yn y Swyddfa Gyflwyno ar 27 Chwefror 2002

7. Yn cymeradwyo:

Y Lobster and Crawfish (Prohibition of Fishing and Landing) (Wales) Order 2002 a osodwyd yn y Swyddfa Gyflwyno ar 12 Chwefror 2002; a

8. Yn ystyried:

a) adroddiad y Pwyllgor Deddfau nad yw wedi nodi unrhyw faterion sy'n destun pryder yn fersiwn drafft The Lobster and Crawfish (Prohibition of Fishing and Landing) (Wales) Order 2002, a osodwyd yn y Swyddfa Gyflwyno ar 27 Chwefror 2002; a

b) yr Arfarniad Rheoliadol a osodwyd yn y Swyddfa Gyflwyno ar 12 Chwefror 2002.

NDM983 Carwyn Jones (Pen-y-bont ar Ogwr);

Cynnig bod y Cynulliad Cenedlaethol:

Yn ystyried egwyddor Rheoliadau Addysg (Grantiau Cyfalaf) (Cymru) 2002, a osodwyd yn y Swyddfa Gyflwyno ar 5 Chwefror 2002

NDM984 Carwyn Jones (Pen-y-bont ar Ogwr);

Cynnig bod y Cynulliad Cenedlaethol:

1. Yn ystyried adroddiad y Pwyllgor Deddfau nad yw'n tynnu sylw arbennig y Cynulliad at unrhyw fater o dan Reol Sefydlog 11.5, mewn perthynas â'r gorchymyn drafft Rheoliadau Addysg (Grantiau Cyfalaf) (Cymru) 2002 a osodwyd yn y Swyddfa Gyflwyno ar 12 Chwefror 2002

2. Yn cymeradwyo gwneud y Gorchymyn yn unol â'r drafft a osodwyd yn y Swyddfa Gyflwyno ar 5 Chwefror 2002

NDM985 Carwyn Jones (Pen-y-bont ar Ogwr);

Cynnig bod y Cynulliad Cenedlaethol:

Yn unol â Rheol Sefydlog 19.5, yn cymeradwyo'r newidiadau i'r Prif Grwpiau Gwariant ar gyfer y flwyddyn ariannol 2001-02 a osodwyd yn y Swyddfa Gyflwyno ar 4 Mawrth 2002 gan y Gweinidog Cyllid, Edwina Hart.

Gosodwyd y tablau canlynol yn y Swyddfa Gyflwyno ar 4 Mawrth:

Mae Tabl 1 yn dangos y newidiadau a fwriedir i'r hyn a ddarperir rhwng y Prif Grwpiau Gwariant ar hyn o bryd; ac

Mae Tabl 2 yn dangos y darpariaethau diwygiedig a fwriedir ar gyfer y Prif Grwpiau Gwariant gan gymryd i ystyriaeth y dyraniadau ychwanegol.

NDM986 Carwyn Jones (Pen-y-bont ar Ogwr);

Cynnig bod y Cynulliad Cenedlaethol:

1. Yn croesawu adroddiad y Swyddfa Archwilio Genedlaethol "Rheoli Ystad y Gwasanaeth Iechyd Gwladol yng Nghymru" a osodwyd yn y Swyddfa Gyflwyno ar 28 Tachwedd 2001 ac y gellir dod o hyd iddo ar y Fewnrwyd ar: http://www.agw.wales.gov.uk/publications/2001/agw2001_10.pdf

2. Yn cymeradwyo y camau y mae'r Gweinidog dros Iechyd a Gwasanaethau Cymdeithasol yn eu cymryd i wella amgylchedd gofal iechyd yng Nghymru.

NDM987 Carwyn Jones (Pen-y-bont ar Ogwr):

Cynnig bod y Cynulliad Cenedlaethol:

Yn cadarnhau bod angen gweithredu dros gadw gwasanaethau post hyfyw yng Nghymru, gan gynnwys argymhellion adroddiad Uned Perfformiad ac Arloesedd Swyddfa'r Cabinet ar foderneiddio rhwydwaith cownteri Swyddfa'r Post ac argymhellion Postcomm ynghylch darparu gwasanaethau'r post.

Noder:

Os hoffech weld adroddiad Uned Perfformiad ac Arloesedd Swyddfa'r Cabinet ar foderneiddio rhwydwaith cownteri Swyddfa'r Post, defnyddiwch y cyswllt isod. <http://www.cabinet-office.gov.uk/innovation/2000/postoffice/postindex.shtml>

Os hoffech weld argymhellion Postcomm ynghylch darparu gwasanaethau post, defnyddiwch y cyswllt isod. <http://www.postcomm.gov.uk/documents/competition/moproposals.pdf>

Gwelliannau a gyflwynwyd ar 7 Mawrth 2002

Cynnig bod y Cynulliad yn penderfynu mabwysiadu'r gwelliannau a ganlyn i gynigion:

NDM986

Jonathan Morgan (Canol De Cymru)

Ychwanegu pwynt newydd ar ddiwedd y cynnig:

Yn nodi bod angen moderneiddio a gwella llawer o ystad y GIG yng Nghymru.

NDM987

1. Jonathan Morgan (Canol De Cymru)

Ychwanegu ar ddiwedd y frawddeg:

'ac yn ategu ei fod yn cefnogi system gyffredinol i ddanfôn y post sydd ar gael am yr un pris ledled y wlad'

2. Jocelyn Davies (Dwyrain De Cymru)

Dileu popeth ar ôl 'yng Nghymru' ym mharagraff 1 ac ychwanegu:

'yn nodi ei bryder am y ffaith bod swyddogaethau'n cael eu canoli y tu allan i Gymru, ac am y ffaith y bydd hynny'n arwain at golli swyddi, at ddirywiad yn y gwasanaeth, ac at ddiffyg buddsoddi yn y dechnoleg newydd.'

3. Jocelyn Davies (Dwyrain De Cymru)

Dileu popeth ar ôl 'yng Nghymru' ym mharagraff 1 ac ychwanegu:

'yn mynnu cael sicrwydd y bydd pob cartref a busnes yng Nghymru, ni waeth ble y maent, yn cael eu post yn ddyddiol am yr un pris ledled y wlad'.

4. Jocelyn Davies (Dwyrain De Cymru)

Dileu popeth ar ôl 'yng Nghymru' ym mharagraff 1 ac ychwanegu:

'yn cefnogi galwad Undeb y Gweithwyr Cyfathrebu am adolygiad annibynnol i'r ffordd y mae Consignia'n cael ei redeg, gan gynnwys yr angen am wasanaeth post cenedlaethol i Gymru.'

-----7d22518dad020a Content-Disposition: form-data; name="add_id_1"
3C85EEFD00071D6A000031C900000000